

道光會稽縣志稿

第一冊

40240.123
36

殿志

部三

道次人曹稽縣
志稿

後學何
琳題

中華民國二十五年一月

紹興縣修志委員會校刊

道光會稽縣志彙凡例

一各志凡仍錄舊志者則註其姓氏曰某志萬歷志係張文恭徐天池兩先生同輯不能盡指爲誰今但註曰萬歷志康熙志雖出董氏一手亦註曰康熙志至所引府志則亦繫以康熙乾隆年號以昭畫一

一各志每卷皆繫小序於首雷同勦說於本地事實全不相關茲不復贅

一敘事有不能詳細備載全賴碑記而傳者附載各條之下其或篇幅太長無關本事者稍加酌節以省繁冗

一舊志所引不詳出處覽者無從考證茲悉標明某書某志不敢掠美其得自冊報採訪者則註明新增採訪呈報字樣惟職官選舉物產等門續增者不註

一舊志有沿訛者有闕漏者茲舉所知於本條下並加案語

一朝廷最重易名之典志內遇有先儒名臣除本傳外其已謚者則稱謚而不稱名以志景仰

一舊志分野不專指會稽一邑未免統同茲細查經緯度分用句股法細心測算以昭區別一則壤成賦代有因革志田賦者當略古而詳今茲采輯各代之制而折衷於我朝賦役全

會稽縣志彙 凡例

書以備考核而重法守

一舊志災異一門蓋仿通鑑之書不紀符瑞故也茲仍之昔漢策災異而以青歸郡國敢以告諸司牧者

一舊志於歷代職官以次悉載其有功德於民者據事立傳否則但存其名今仍之附名宦傳於官師表後俾後之官斯土者觀所載之詳略知所以自鏡云

一選舉志所載其祖籍本屬會稽而寄於外籍者悉爲采入仍註明某籍以便查核惟年分已久冊籍無存遺漏恐多周諮博采不無望於諸君子

一舊志人物有列傳一門與各項名目別出體裁未當茲仿照府志增爲鄉賢宦蹟兩門鄉賢則據學冊移送以曾經奏准者爲斷宦蹟亦必其政跡實有可傳若徒託空言毫無實政者概不攔入

一儒林之於理學具體而微舊志儒林一門不無冒濫茲秉公核實擇其尤醇者附於理學之次

一孝行一門空言奉養義行一門空言施與者概不濫登惟義田義學義塚義倉皆本昔賢遺法而在今日有能好義急公者尤足以挽澆風而培元氣雖未經申報有司亦爲載入

以昭激勸

一新增人物必準蓋棺論定之義不敢曲從惟節婦年例已符雖其人尙存例得請旌亦得載志不在此例

一山會附郭向來籍貫互通自奉道光二十五年新例爲始不得混淆茲志節婦各從其夫之籍貞孝女各從其父之籍

一仙釋一門別爲外志從通考體也寺院以類附人物一門舊志有於例未協者摘出數條并新所採訪呈報而於各門無可依附者別爲雜志仿嘉泰志雜紀體也

一志內遇有應避字樣一概敬避其應行缺筆者則仍缺筆以遵功令

一節烈一門自康熙二十二年以後續據乾隆府志補入核嘉慶以來請旌冊籍散佚不少矧有無力請旌者其名湮沒不彰何可勝道今悉心採訪無論已未請旌但於年例相符一概登載詳者入傳略者列表以彰苦節

一萬歷志以會稽分邑自隋始人物亦自隋始今仍之惟寓賢以所居之地爲斷略采一二非自亂其例也

一舊志無經籍金石然志以徵文不容缺略茲增入兩門使考古者得資蒐討

道光會稽縣志彙總目

卷首

天章

卷之一

地理志上沿革 分野 疆域

卷之二 原闕

地理志下 湖山 嶺 溪 浦 峯 臨 井 瀆 祠 潭 石 池 川 泉 河 涇 海 江

卷之三 原闕

建置志上 城池 衢路 署廨 坊里

卷之四 原闕

建置志下 市 鎮 關 壩 渡 埠 橋 驛 鋪 倉 局 諸義舉

卷之五 原闕

田賦志 戶 口

卷之六

會稽縣志彙 總目

水利志 湖 河 塘 堰 池 斗 門 鑿 壩 閘

卷之七

風俗志 歲時 禮文

卷之八

物產志 穀 介 蔬 羽 果 獸 木 蟲 竹 器 花 貨 草 藥

卷之九

災異志

卷之十 原闕

學校志

卷十一 原闕

武備志

卷十二 原闕

職官志 官師表 名宦傳

卷十三 彙佚

選舉志

薦辟舉人

特用進士

制科武科

貢生武甲

卷十四

祠祀志

壇

廟

祠

卷十五

陵墓志

陵

墓

卷十六

古蹟志

器物

開

第宅

樓

臺

軒

亭

園

池

宮

雜蹟

館

卷十七

人物志一

寓賢

鄉賢

理學

儒林

忠節

卷十八

人物志二

孝行

義行

官蹟

卷十九

人物志三

文苑

隱逸

藝術

卷二十 原闕

會稽縣志 彙

總目

二

人物志四

貞烈

節烈表

卷二十一 彙佚

經籍志

卷二十二 彙佚

金石志

卷二十三

外志

仙釋

寺院

宮觀

庵堂

塔

卷二十四

雜志

卷二十五

舊序

道光會稽縣志彙卷之首

天章

聖祖仁皇帝御製詩

謁大禹陵

古廟青山下登臨曉靄中梅梁存舊蹟金簡紀神功九載隨刊力千年統緒崇茲來薦藻藻

瞻對率羣工

聖祖仁皇帝御製文

禹陵頌

朕閱視河淮省方浙地會稽在望爰渡錢塘展拜大禹廟瞻眺久之勅有司歲加修葺春秋

泣祿粢盛牲醴必豐必虔以志崇報之意時康熙二十八年二月十五日也緬維大禹接二

帝之心傳開三代之治運昏墊既平教稼明倫由是而起其有功於後世不淺豈特當時利

賴哉朕自御宇以來軫懷飢渴留意河防講求疏濬漸見底績周行山澤益仰前徽爰作頌

曰

下民其咨聖人乃生危微精一允執相承克勤克儉不伐不矜隨山刊木地平天成九州始

會稽縣志彙

卷之首

天章

一

辨萬世永甯六府三事政教修明會稽鉅鎮五嶽靈茲惟其藏陵谷式經百神守護松柏

鬱貞仰止高山時切景行

御題禹廟扁聯

地平天成

江淮河漢思明德

精一危微見道心

康熙四十二年御題南鎮廟扁

秀帶巖壑

王紳記皇上御極之四十二年久道化成仁風翔洽乃穆清之上猶復懷民事

月卜有八

日爲聖壽五十年誕辰萬方臣庶萬壽無疆凡內外文武臣工以至士庶及禁軍營卒

號爲榮惟

以物阜民安爲念特頒明詔草沛鴻恩凡內外文武臣工以至士庶及禁軍營卒

並沐膏澤

而嶽鎮海濱以行臣庶亦分遺使臣庶亦分遺使臣庶亦分遺使臣庶亦分遺使

能事本於

天縱宜其超聖入神應手無美不臻皇上有幾餘暇一畫之心源參六書之妙義

山曰會稽

南鎮之名防此流者自來未五宸翰並稱題今是我皇獨當錫會之地襟江帶海被其

聖天子保

秦殷懷而益福茲遠邇士可知矣臣至杭州先奉御書與奎章墨寶可不垂諸琬琰

頌隨子雕

鏤旋榜誼日高懸遠邇士可知矣臣至杭州先奉御書與奎章墨寶可不垂諸琬琰

謹書石摹

勒於所以藏從此榮光燭天賦發於岡陵山阜之碑永永無極也凡贊襄鉅典者軒輊

與有慶
幸焉

康熙四十四年平陽寺勅賜傳燈寺額五十二年復頒御書金剛經一部

康熙四十六年顯聖寺勅賜寶嚴寺額

舊名看經院

高宗純皇帝御製詩

謁大禹廟恭依皇祖元韻

展謁來巡際憑依對越中傳心眞貫道底績莫衡功勤儉鴻稱永儀型聖度崇深惟作民牧
益凜亮天王

禹廟覽古

得游稽山峻言瞻禹廟崇碑文擬衡嶽井穴達龍宮問訊傳工部棲遲遇義公鐫于尋豈在
窆柱恨難窮帆石終隣誕梁梅久付空惟應敷土跡天地並鴻功

蘭亭卽事

向慕山陰鏡裏行清遊得勝慙平生風華自昔稱佳地觴詠於今紀勝名竹重春烟偏澹蕩
花遲禊日尙粲榮

時三月八日

臨池留得龍跳法聚訟千秋不易評

蘭亭恭詠皇祖撫帖御筆

會稽縣志彙

卷之首

天章

二

眞贗操戈互詆攻聖多能以不同同右軍設使瞻仙藻定早傾心拜下風
蘭亭雜詠

竹逕延緣勝賞探流觴曲水綠波涵何妨修禊日過五且喜行春月正三
卽景還思晉永和崇山眞見綠嵯峨斯人不祇清談輩誓慕高風有足多
綠竹雖無琴筑環逸情眞可傲東山中郎若復相衡量賸有蘭亭在世間
眞蹟當年付老僧賺來蕭翼許多能若方吐哺周公旦房相掄賢未足稱
舟行雜興三十首

恭錄若耶一首

若耶只隔一溪灣好似天風吹引還寄我閒心與明月他年證取水雲間
茅山正譌

壬午春巡將發金陵道句容徵三茅之勝而邑誌率撫吳越春秋禹改茅山曰會稽爲茲山
數典所自是援越入吳疆域紊而世代淆予不可以不辨按史記注引越傳禹到大越上苗
山苗與茅古字通而小異其爲屬越則均水經注漸江條云會稽古防山亦謂之茅山本名句曲
稱防者蓋以防風後至故而漸江卽浙江其山隸今紹興境明甚若句容之茅山本名句曲
亦名已山自後漢茅盈兄弟學仙於此三茅之名始著距吳越時既遠與紹興又絕不相蒙

輯志無識者沿名竄附牽連爲一謂會稽同出異名若良常秦望海江仙非之屬二十有六實爲一山且注出吳越春秋今覈全書初無是語况自紹興至句容道踰千里中隔一江三茅卽號地肺安能呼吸一氣若此使其言然則方內纍纍宮霍蜀繹者疇不當名之曰崑崙岱宗乎再考江甯郡志良常秦望仙非諸山並與句曲壤接道里可數更於紹興無涉卽以所引秦望言紹興句容皆有要各自爲一山未可強而合之獨於茅山乎何疑或曰會稽爲古揚州鎮山後漢移會稽郡治越秦初置時本治吳焉知會稽始名之茅山不可通於句曲後著之茅山也予得仍以吳越春秋正之其書凡六卷前吳傳三後越傳三茅山之改名會稽入越外傳不入吳內傳當時方隅所限詎不較然風馬牛哉用觀縷析之以俟後之訂山經者

御題禹廟扁聯

成功永賴

績奠九州垂萬世

統承二帝首三王

御題南鎮廟扁

會稽縣志彙

卷之首

天章

三

表句南疆

詔諭

康熙二十八年二月十一日欽奉上諭禮部祭以敬爲主禹陵僻處荒村恐致褻慢凡供獻黍盛禮儀諸事令左都御史馬齊與侍郎席爾達同往省視

康熙二十八年二月十六日欽奉上諭朕巡行江表緬懷禹德躬率羣臣展祭陵廟顧瞻殿廡圯傾禮品缺略人役寥寥荒涼增嘆愚民風俗崇祀淫祠俎豆馨香奔走恐後宜祀之神反多輕忽朕甚慨焉在昔帝王陵寢理應隆重培護况大禹道貫百王身勞疏鑿奠甯率土至今猶賴豈可因循特書地平天成四字懸之宇下著地方官卽加修理畢備儀物守祠人役亦宜增添俾規模宏整歲時嚴肅兼賜銀二百兩給與守祠之人此後益令敬慎地方官亦須時爲留心以副朕尊崇遐慕之懷其卽遵諭行特諭

康熙四十一年十一月工部議覆浙江巡撫趙申喬題請修葺禹陵應令捐修一疏上曰凡古帝王陵寢地方官應不時修葺今禹陵必頽壞已極趙申喬始行題請著杭州織造會同地方官動用歷年節省錢糧卽行修理以稱朕尊崇前代聖王之意

乾隆元年上諭朕聞浙江紹興府屬山陰會稽蕭山餘姚上虞五縣有沿江沿海隄岸工程

向係附近里民按照田畝派費修築而地棍衙役於中包攬分肥用少分多甚爲民累嗣經督臣李衛檄行府縣定議每畝捐錢二文至五文不等合計其捐錢二千九百六十餘千計值銀三千餘兩民累較前減輕而胥吏等仍不免有借端苛索之事朕以愛養百姓爲心欲使閭閻毫無科擾著將按畝派錢之例即行停止其隄岸工程遇有應修段落著地方大員委員確估於存公項內動支銀兩興修報部核銷永著爲例特諭


乾隆十六年三月初十日內閣奉上諭朕時巡至杭州禹陵在望緬維平成之德萬世永賴皇祖聖祖仁皇帝曾親祀焉爰東渡浙江陟會稽式遵皇祖舊典躬薦馨於宇下厥有妣氏子姓世居陵側應世予八品官奉祀該督撫擇其有品行者一人充之昭崇德報功之至意欽此禮部謹題爲遵旨議奏事禮科抄出著浙江巡撫永貴等疏稱乾隆十六年三月十三日行在禮部咨開乾隆十六年三月初十日行在內閣奉上諭妣氏子姓世居陵側應世予八品官奉祀該督撫擇其有品行者一人充之相應移咨浙江巡撫欽遵辦理等因該臣看得本年皇上南巡江浙親奠禹陵特命妣氏子姓有品行者世予八品官奉祀遵經轉行遵照去後茲據布政使葉存仁詳據紹興府知府鄭肇奎轉據會稽縣知縣高居甯詳稱謹卽詳加選擇查有妣恆甸者考之世譜係出宗支詢於鄉評克敦品望奉祀有年恪守烝嘗於奕世擇賢授職堪膺聖代之殊榮取具親族譜結府縣加結詳請題授八品官世襲奉祀等因前來臣覆查無異除譜送部外臣謹會同閩浙總督臣喀爾吉善合詞具題伏乞皇上睿鑒勅部議覆施行等因於乾隆十六年閏五月二十二日題六月十八日奉旨該部議奏欽此欽遵抄出到部該臣等議得隨刊底績妣氏之明德在人府事允修萬世之成功攸賴惟會稽爲神禹衣冠所藏考自宋明以來禁樵蘇置守陵戶代有著令我朝益隆崇德報功之典每歲春秋勅令有司致祭康熙二十八年恭逢聖祖仁皇帝巡幸浙江御書地平天成扁額著地方官修理陵廟增置守祀人役盛事昭垂簡冊本年三月內我皇上稽古時巡陟會稽親奠禹陵仰惟明德溯厥成功特旨恩賜妣氏奉祀裔孫八品世職諭令該督撫擇其有品行一人充之誠千古未有之曠典也茲查妣恆甸據該撫疏稱世譜係出宗支鄉評克敦品望取具譜結確鑿可徵應如所請妣恆甸准其授爲八品官仍准世襲奉祀會稽陵廟烝嘗以昭聖世崇德報功至意命下之日臣部照例行文吏部給劄嗣後凡屆應行承襲之時令該督撫按其宗支次序詳加選擇照例具題承襲併送會典館編輯用垂永久臣等未敢擅便謹題請旨乾隆十六年七月初七日奉旨依議欽此

禮部奏稱康熙二十八年聖祖仁皇帝南巡至浙江會稽有旨議祭禹陵經臣部以遣官致

祭後皇帝親詣奠酒進奏奉上諭堯舜禹湯文武皆前代聖君遣官致祭後方行親詣奠酒未爲允協禹陵朕將親祭之此祭文內可書朕名是年親祭禹陵伏乞睿鑒指示遵行奉旨禹陵朕親詣行禮欽此

又單開恭查會典內開康熙二十八年聖祖仁皇帝南巡親詣禹陵明太祖陵致祭俱行三跪九叩禮在案今照致祭少昊金天氏陵行二跪六叩禮祭日皇上御龍袍補服扈從之內大臣侍衛文官五品以上武官三品以上該地方文官知府以上武官副將以上俱齊集陪祀其不陪祀之文武各官并地方官員俱蟒袍補服在行宮前兩旁列跪送迎謹擬具奏乾隆十五年十二月初九日奉旨行三跪九叩禮欽此

太常寺奏伏查去歲皇上巡幸豫省祭祀中嶽於駕到次日祭祀此次祭祀禹王亦照中嶽之例俟駕幸紹興府六合村此日祭祀之處理合請旨乾隆十六年二月二十二日奉旨知道了欽此



道光會稽縣志卷之一

地理志上

沿革

會稽地屬揚州古荒服國禹東巡會諸侯於國之苗山以計功始更名其山曰會稽禹崩遂葬

至少康以其地封庶子無餘奉禹祀國號於越按吳越春秋禹周行天下還歸大越登茅山即

越國之種始此則吳越春秋所謂大越者殆追稱者耶自夏歷商周傳三十世至無疆亡入於

楚楚滅入秦秦郡縣天下悉以故吳越地吳曲阿烏傷毗陵餘暨陽諸暨無錫山陰丹徒餘

鄒富春凡置會稽郡治吳吳今之直隸蘇州府吳縣漢以其地封荆王賁又封吳王濞濞滅復為會稽郡並

治吳後漢順帝永建四年始用陽羨人周嘉議分浙以東山陰餘姚上虞剡諸暨餘姚句章鄞

為會稽郡移治山陰自漢永建迄陳會稽或為國或為郡雖更號不常要皆統浙以東地而為

言非縣也隋開皇九年平陳廢郡併山陰上虞始甯永興地置會稽縣隸吳州會稽有縣自此

始是年改會稽郡為吳州大業元年析會稽復立始甯是年改吳州為越州尋復為會稽郡按知府南大

析置會稽則會稽固不始於隋矣特以唐隸越州稽郡為越州武德七年析會稽復立山陰

貞元元年析會稽復立上虞元和十年併山陰入會稽已而復置會稽宋隸越州紹興元年隸

會稽縣志

卷之一

地理沿革

紹興府是年改越州為紹興府元隸紹興路至元十六年改府為路明隸紹興府洪武二年改路為府編戶一百三十一里成

化八年縣丞馬馴徵稅至二十五六等兩都兩都民接嵎抗承知府洪楷乃奏割兩都地凡七

里屬嵎嵎縣志割會稽德政東土二鄉隸嵎民若畝隨之嘉靖二十八年知縣張鑒均縣賦至兩都所得其隱田

五千畝以歸我隆慶三年嵎亦度田復混五千畝中之百五畝有奇以去知縣楊節力返之歷

志

會稽縣

夏為大越會稽山地無余所封或曰少康封少子杼

周時越子國春秋越王都焉

秦屬會稽郡

漢為山陰縣地後或以名國或以名郡

陳以山陰析置

隋始置縣廢山陰永興上虞始甯四縣入焉

唐為越州治為望縣

〔唐書地理志〕越州會稽郡縣七 會稽 望

宋初隸越州後隸紹興府治望縣

〔宋史地理志〕紹興元年升爲府縣八 會稽望

元爲紹興路治中縣

〔元史〕至元十三年改紹興路縣六 會稽中郭

明爲紹興府治倚縣

〔明史地理志〕紹興府領縣八 會稽倚

國朝因之爲附郭縣

〔一統志〕紹興府 會稽縣附郭 乾隆府志 以上

〔會典〕會稽縣中衝繁新

分野

會稽在禹貢爲揚州之域位當少陽於卦爲巽史記天官書曰其日屬丁在辰爲丑次日星紀於五行屬火春秋傳曰在列國謂之分星在九州謂之星土星紀爲越之分星揚州之星土春秋元命苞曰牽牛流爲揚州分爲越國史記正義曰南斗牽牛吳越之分野漢地志曰越地牽牛婺女之分野漢郡志曰斗女一度至婺女七度一名須女爲星紀之次建子今越分野張衡

會稽縣志彙

卷之一

地理
分野

二

曰會稽於二十八宿入牽牛一度列星度數曰斗第二星至會稽又女七度主越又曰五車星中東南一星爲司空主楚越春秋文耀鉤曰會稽於北斗七星屬權星范蠡陳卓諸人分星次亦曰會稽入牛一度東漢天文志曰會稽主以丁巳日占玉衡之色地理志曰自斗十一度至婺女七度曰星紀吳越分野費直分斗十度至女五度蔡邕分斗六度至須女二度謂之星紀爲吳越分野三國志曰會稽上應牽牛之宿下當少陽之位晉天文志曰自南斗十二度至須女七度爲星紀吳越之分野隋書唐史所載與晉志同通志略曰會稽入牛一度宋天文志曰會稽上應天市垣東南第六星元史曰斗四度三十六分六十六秒外入吳越之分明清類地理志曰兩浙當南斗須女之分會稽爲紹興屬邑當越故地所入之宿在斗一度於辰爲丑

志

句章王德邁論按唐天文志載僧一行之論凡分野不以星之南北分地之南北也視雲漢貫注得其精氣之所至耳南斗在雲漢下流故當淮海間爲吳分野牽牛去南河浸遠故自豫章至會稽南逾嶺徼爲越分野明劉基清類分野書以僧一行所論十二篇繫於其首而編次紹興府爲牛女分野則占牽牛亦占婺女皆驗也會稽與山陰並附郭占牛女確矣凡分野有大綱以十二辰分之元授時歷郭守敬所定自南斗四度起歷牽牛之度至婺女二度止爲揚州

配吳越劉基稱其最精又分野有節目以二十八宿分之今紹興即古越地自唐宋元明以來俱占牛女其應如響間有私心穿鑿割某度爲會稽某度爲上虞與雲漢貫注之說大爲悖戾象緯家知之儒者多不知或問紹興府既占牛女又何以占女曰郡境之陽宜占牛其陰負海皆占女

康熙志

內緯秘言牛五度紹興府山陰會稽入八分之五

乾隆府志

按周官保章氏以星土辨九州之地所分域各有分星以觀妖祥分野之說由來久矣舊志所引諸說或兼指吳越或概言會稽郡未嘗有專屬會稽一邑者誠以紹興八邑同屬越分不外占牛占女故不之及然天文家推步日躔專憑北極晝夜之永短節氣之早晚曙影之多寡交食之淺深各邑不同非如分野之統屬越州也今特將會稽經緯度分采輯專家細加測算以俟言天文者攷定焉

新增經緯度

北極出地

即緯度

梅勿菴揆日候星紀要浙江北極出地三十度張作楠揣籥小錄會稽北極

出地三十度五分三十秒今於道光二十七年立冬日正午時檢緯度表太陽在赤道南十六度二十六分立八尺之表測得影長八尺四寸八分以勾股求餘切法得餘切線〇六檢八線表得太陽高度四十三度二十分弱加南距度十六度二十六分得赤道高五十九度四十六分轉減象限九十度得北極出地三十度十四分強

會稽縣志彙

卷之一

地理疆域

三

偏東度

即經度

張作楠揣籥小錄會稽偏東四度四分按梅勿菴歲周地度合攷各省節氣時

刻以京師爲主在東者加在西者減每加減四分爲經度一度今查時憲書浙江節氣較順天各遲一刻浙江爲偏東三度四十五分乃會稽爲四度四分與省城又差一十九分以東行二百五十里相差通之則會稽當在浙東七十九里又三十六分里之七徑而度之道里亦約略相符是張說爲可信矣

疆域

縣附府城

東九十二里至曹娥江之中流上虞縣界

東南一百四十里至三界

南一百一十里至南嶠口溪之中流並嵊縣界

舊南至杉木嶺

西南八十里至駐日嶺諸暨縣界

西一里運河中流

西北三里並山陰縣界

北二十里抵海逾北岸嘉興府海鹽縣界

東北七十五里至瀝海纂風鎮上虞縣界

東北凡九十二里南北凡百三十里周之凡四百四十里達府百有三步達省百三十八里達江南一千二百三十里達北京三千七百九十里

康熙志

